

0 大唐故東京大弘道觀三洞先生張尊師玄宮

00 誌銘并序

1 先生諱乘運，南陽人也。賜胤清河，分流白水。業傳  
 2 不朽，史無絕書，積善之榮，其來久矣。先生誕應  
 3 元精，特受異氣。弱不好弄，長而彌篤。非禮勿聽，唯  
 4 道是從。確乎其心，義不可拔。年十五，制補黃冠，  
 5 隸名河南府濟源縣奉仙觀。上以京華勝地，  
 6 羽儀藉人，無何徵居弘道精思之院也。由是王公  
 7 卿士，請益丐論，日有萬計，門盈駟牡。先生應接  
 8 且勞。幽棲在念，乃詣維嵩，比耆德。授諸秘籙，  
 9 凡前後十數。將欲凌碧空，涉紫洞，拍洪崖之肩，把浮丘  
 10 之袖。以為羣生未濟，降志仍留，汲引良多，不可言  
 11 也。去天寶首歲秋九月十一日忽謂猶子仙期曰：  
 12 吾頃者同塵，今將上賓。遂據梧如寢，翛然及 1 真。春  
 13 秋七十二。悲夫。適來，先生時也，適去，先生順  
 14 也。丘則陋矣，謂之何哉。粵以其年月廿八日遷神  
 15 於崇邱西原，示人有終，禮也。東臨緱嶺，南指帝鄉，  
 16 雲鶴時飛，神仙如在。僕也不佞，敢述玄風。銘曰：九  
 17 霄之中/ 六合之外▲/ 瓊臺森翠/ 玉房杳藹▲//先生遊兮

In inscription, ▲ marks rhyme-word. Single-slash marks end of verse line.

千唐誌齋藏誌 804; 唐代墓誌彙編 1541; 全唐文補編 2: 530.